

SIKARELUKAK: INOSUTTUK



TAPVAINAK KAUIJTITSIUTIK

- Sikarelukek, taijauluaKattajut weed, bud, ujakak, upvalu marijuana ejalukauvuk attuiKattajuk isumannik, timik ammalu inosigijannik.
- Suguset ulugianaluattut ånnitaugiamut weed timinni ammalu isumanni sulii piguvalliamata.
- Inosuttoluanguguvit ammalu atuliaKiguvit weedimik, uluginaluammevutit pivalliatitsigiamut sikarelukekannik ilinganiKajunut apomautigijajunut attuigajattumik siagugiangulimmat inosigijanni.
- AtugajakKutit weedimik imailigiamut:
 - Ottugagumatuinnalugu upvalu Kaujigumatuinnalugu
 - Aliasugiamut upvalu Kuviasugiamut
 - AtautiKagiamut ilannånik upvalu iliiKataugiamut jåriKatinnik
 - kamagillugu uKumaitsanimmik upvalu utakkingunimmik
 - Ikajugiamut sinitsigiamut

- Ilanga pitjutinga Canada maligatsaKagunnaitaulauttuk paitsiutiKagiamut kinakkutuinnak inosigijangit kamatsianikkut ammalu piutigijangita maligatsait. Tåvatualli, maligatsaKagunnaigaluaguni tukiKattisilungituk ulugianattongininganik. Sollu talannatutitut, maligatsaKavuk ammalu malittaugialinnik iinganiKajunut Kanuk atugiamut weedinik ammalu KatsiKagiaKammangåtsi.

AKUNIUNGITUK ATTUINIGIJANGIT

- Ilangit Inuit ippiniaKattajut weed ikajuKattajut takutsigiamut, tåvatuak weed ajunnatumettisiKattamijuk isumajåtsigiamut tukisinattumik, kamatsigiamut ilinniavimmik, kajusiutiliutsigiamut ammalu tapvainak pinianniKatsigiamut.
- Atulluni weedimi ullu tamåt upvalu ulllu tamåkasåk ajunnatoluagajattuk ilinniagiamut ammalu ikKaumagiamut Kångivallianinganik.
- Tamakkua attuinigijangit weedimit

nigiunagajangituk. Ilangani ikajugajattuk inunnik aliasugiamut, asinginnut utakkinguttisok, katangak, upvalu itsigiamut, piluattumik atuppata puttujunik pitaKajunut iluani taijanik tetrahydrocannabinol (THC).

AKUNI ATTUIGAJANNINGIT

- Sikarelluni weedinik attuigajattuk sollu taimåtsainak sikarelluni siKalinik. Sujuigajattuk puvannik, anittigitsigunnaigiamut upvalu Kuittunginnaluni aullagunnangiumajumut.
- Atulluni weedinik ullu tamåt upvalu ullu tamåkasåk sakKititsivalligajattuk najuttiKagiamut weedimik.
- Sollu nukkainalluni siKalititut, piungitunik sakKititsigajattuk nalunaigutinnik ikilliumititsiguvit upvalu nukkainaguvit weedimik, sollu Kosagaisongulluni, utakkinguk, upvalu asianguvialluni nigiu.

There's More To This Than Cannabis

ASIGIALLAIT ATTUISOT SIKARELUKANNIK ATULLUNI

- Weed attuisok timigijannik ilautitsiluni pitsiasongugiamut hâkinguagiamut, tukkanguak ammalu asigiallanik iKittaitguttinnik.
- Ujagak akitujuuluk! Isumagillugit ilonnait asigiallanik pisigajattanik taipsumunga kenaujammut.
- Pisilluni laisansiKangitumik aullaivimmit ulugianattuKavuk pitâgiamut weedinik piungitojunut upvalu pitaKajunut sakKanik, ilimanattut sollar pesticides upvalu asigiallanik ulugianattunik ejalukannik.
- Atuluatlaluni weedinik asiujigajakKutit pigumaKattajannik piutsajannik ammalu ilagenimmik, uKumaittunik sakKittitsiKattajumik ilagijannut ammalu ilannâgijannik.
- Taimâtsainak talannatutitut, suliaKapvet pikKujingitut suliaKapvini angajâliguvit ammalu pasigatsatâgajakKutit, asiujillutit suliansanik, upvalu pilukaKataullutit.



ISUMAKKUT KANUITTAILIGIAMUT

- Ilangit Inuit atuKattajut weedinik aliasugiamut upvalu ânniagunnaigiamut, Kangaulimmat atulluni weedinik jârikittoluni natjavuk ilanginnik ulugianattunik isumakkut Kanuittailigiamut.
- Atuluatlaluni sikarelukekannik puttusigajagattut ulugianattunik pivallialiaKigiamut isumakkut Kanuittailigiamut apomautinnik sollar schizophrenia. Tâna ulugianattut anginitsauvuk akungani immigolingajunut ukununga:
 - Ilaget piusiKasimajunut isumakkut Kanimmasinnik
 - Taikkua atunginnatut sunatuinnanik pitaKajunut puttujunik THC-inik
 - Taikkua pigiasikattajunut pigjannimi inosinginnik (16-naKakKâgatik.)
 - Taikkua isumakkut pilukattausimajunut sivungani.
- Ukumaittummetsijut sikarelukekannik atulluni ammalu sikarelukekait atulluni piusigijaungitunut sakKijâluavuk taikkununga immigolingajunut inosimminik asianguKattajunut ammalu utakKingukattajunut atjigingitamminik atungitunut taikkununga piusijunut.



AULATSILUNI AULAUTIMMIK ANGÂJÂLLUNI

- Weed sakKittitsigajattuk aulagunnasiagiamut ammalu tapvainak pinianniKagunnalugani. Tamanna ulugianattumagik aulatsiguvit aulautimmik, quad, sikitok, umiak upvalu motakâmmik angajâlliluni.
- PikKujivut utakKigiamut mikinitsamik sitamanik saksinillu sitontinik sivunga aulatsiKâgani aulautinnik milutsiKâtluni weedinik, tâvatuak ikKanattovuk ikKaumagiamut tainna weed Kanuk tigujausimammangât, ammalu Kanuk angitigijumik atusimammangât, ammalu allât atjigengitojunut inummit inummut angilligattisigajattatuk tâpsuminga sitontinik. Ippiniatsiangikuvit aulatsinik aulautimmik.
- Aulatsiluni aulautimmik maggongujumik sakKittitsigajattuk pilukagunnagiamut, pimmagittumik ânnetitsiluni upvalu tuKutaullutit, ilannâgijattit upvalu ilagijannik.
- Maligatsanik siKumitsijut aulatsigutsi aulautinnik puttujalovuk Canadami. Takujauguvit aulatsiliguvit aulautimmik talatlutit, pasigatsatâtaugajakKutit sollar:
 - akilekkujauullutit
 - tigujaulluni aulatsigunnagiamut aulautinnik laisansanganik



IKILLIUMITITSINIK TAIKKUNUNGA ULUGIANATTUNIK – ÂNNIGIAMUT IKILLIUMITISIGIAMUT IKAJOTET

- Piunippânguvuk utakKigiamut atugiamut weedinik jâriKalguvit 25-inik tamannauluattuk isumait suli pivalliamat.
- InitsatâkKulugit pivitsait wogimi Kangatuinnak atuliguvit weedinik atunginnaKattanalunginavit ulla tamât upvalu ulla tamâkasâk. AtugasuaKattalugu atausiallutit wogimi upvalu ikinnisamik.
- Ikilliumittisiluni atugiamut weedinik ilinniaviKagunnaimat ikajuniattut kamatsiagiamut ilinniavimmi.
- TAnnigugusauullutit sunatuinnanik ikinnisamik pitaKajunut THC sollar 15% upvalu ikinnisamik. PitaKaluatlutit THC-inik sollar siKallitausimajut, dabs, upvalu wax, piungilititsilusok timinnik

ammalu isumakkut Kanuittailigiamut.

- Sikarelluni piunginippânguvuk inosinnut Kanuk atuttaumangât sikarelukek. Isumagillugit nigijausot ânninaluangimata annigijait, tâvatualli ikKaumallutit ilangit nigijausot pitsatujosongujut ammalu akuniunitsak attuisok sikarennit.
- Atuttailillutit sikarelukekannik asigiallanik ejalukannut. Akulligettisigiamut sikarelukekannik asinut ejalukannut alianattolungituk ammalu ulugianattumagik attuinigijangit:
 - Atulluni sikarelukekannik talannatunut puttusigiasok attuinigijanga tamâgennut ejalukannut ammalu puttusigiasok ulugiananninga talaluatlaluni.
 - Atulluni siKalinnik weedinullu puttusigiasok ilimanattumegiamut najuttiKaliaKigiamut ammalu attutaullutit anginitsanut ilimanattunginnik atjigingitamminik atulluni inutolluni.
 - Atulluni weedinik asinut ejalukannut nigunangitut attuinigijangit upvalu sakKittitsigajattuk piluatlasimannimik.
- PannaigutiKallutit kamatsianimmik upvalu ilannânit illunganellutit aneniaguvi atullutit sikarelukekannik. Iluanollutit aulautimmik puttusigiasok motakâttimut ulugianattumegiamut ilonnainut kamagijautsiangijangit.
- IppiniaKattaven Kanuinginimmik nani annigusuligavit atugiamut sikarelukekannik ammalu kinakkunik ilaKammangâppit? Annigusullutit atugiamut inunnik sulijugijannik ammalu ininnut kamagijautsiagiamut.
- AtuttailigasuaKattalutit atuKatigennimik taijanik bong upvalu imusimattajunut ikilliumittisigiamut ulugianattunik siammatitsitailigiamut Kanimmasinnik upvalu puvallugiamut tebemik.
- Kamatsialutit piulimatsiagiamut Kanuittusuatuinnanik sikarelukekannik. Ilisagasuallusi weedinik tigujauniangitunut sugusinut ammalu omajuKutinnut.



ATUINNAJUUT IKAJOTET

IkajuttaugiaKaguvit, uKâlaKatiKagiamut angajukkânik upvalu paitsijigijannik, ilinniatitsijik, ikittainimmut kamajimmut, upvalu sulijugijannik inummagimmik.

Tulligettitausimajunut
atuttausimajunut
KaujisapviKagajakKusi omani
info@pauktuutit.ca
Agos, 2021



There's More to This Than Cannabis

IlisapviKagiallutit omani [LetsTalkAboutUjarak.com](https://www.lets-talk-about-ujarak.com)

